

Sarajevo, 19-09-2025

Broj: 73-11-3-31470



**KLINIČKI  
CENTAR  
UNIVERZITETA  
SARAJEVO**

Na osnovu člana 70. Zakona o javnim nabavkama („Službeni glasnik BiH“, broj 39/14, 59/22 i 50/24), člana 48. Statuta KCUS-a (Sl.novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (65-04-2-4654-1 od 01.02.2023.godine) na prijedlog Komisije za javnu nabavku Izvještaj broj 10-33-4-29533-3 od 15.09.2025.godine, Generalni direktor donosi:

#### **ODLUKU**

o poništenju postupka nabavke za izvođenje  
**„Podopolagačkih radova za potrebe KCUS-a“**

#### **I**

Prihvata se prijedlog Komisije za javnu nabavku, **Izvještaj broj 10-33-4-29533-3 od 15.09.2025.godine**, za postupak nabavke izvođenja „**Podopolagačkih radova za potrebe KCUS-a**“, nakon provedenog otvorenog postupka objavljenog na portalu e-Nabavke pod brojem 893-1-3-327-3-757/25 od 31.07.2025.godine, **da se postupak nabavke poništava u skladu sa Članom 69. stav2) tačka d) ZJN (Sl.Glasnik BiH 39/14 sa izmjenama i dopunama), jer nijedna od primljenih ponuda nije prihvatljiva.**

#### **II**

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a.

#### **OBRAZLOŽENJE**

Na osnovu Odluke o pokretanju postupka javne nabavke broj 73-11-3-24618-1 od 21.07.2025.godine, Klinički centar Univerziteta u Sarajevu je na portalu e-Nabavke zajedno sa Tenderskom dokumentacijom za izvođenje **„Podopolagačkih radova za potrebe KCUS-a“** objavio Obavještenje o nabavci broj 893-1-3-327-3-757/25 od 31.07.2025.godine, sa procijenjenom vrijednosti nabavke u ukupnom iznosu od **400.000,00 KM bez uračunatog PDV-a**, sa ciljem zaključenja okvirnog sporazuma na period od 24 (dvadesetčetiri) mjeseca.

Nabavka je planirana Planom javnih nabavki za 2025.godinu, pod klasifikacijom **Radovi, redni broj 3**. (Odluka o usvajanju Plana JN KCUS-a za 2025.godinu, broj protokola 65-04-2-3674/25 od 29.01.2025. godine).

Uslovi plaćanja predviđeni za postupak nabavke su u roku 60 dana od dana izvršenja ugovorenih obaveza od strane dobavljača i ispostavljanja fakture (na osnovu dopisa Sektora za finansijske, knjigovodstvene i planske poslove br. 56-11-3-5515-1 od 12.02.2025. godine).

Kriterij vrednovanja ponuda je najniža cijena. Za navedeni postupak nabavke je predviđeno provođenje e-aukcije.

Na osnovu poziva objavljenog na portalu e-nabavke, odnosno Obavještenja o nabavci broj 893-1-3-327-3-757/25 od 31.07.2025.godine, tendersku dokumentaciju je preuzelo 26 (dvadesetšest) potencijalnih ponuđača: EKAPIJA DOO; GALBOLS DOO; D&M CREATIVA, BAUMASTER; INTER-COM DOO ZENICA; BBS EUROPE; TEHRON D.O.O.; VINIL DOO TUZLA; INNOVI DOO; GRAVIT; GENERAL ENGINEERING D.O.O.; JELOVICA DOO; LA VIE; TS GROUP D.O.O; TENDERI DOO; "EKO-GRADNJA" D.O.O. SARAJEVO; KREPS DOO; COSPEX D.O.O. PAM COLOR D.O.O.; BAHEN GRADNJA D.O.O. SARAJEVO; MIBRAL DOO; OD "MAJSTOR U KUĆI"; DINALSA D.O.O. SARAJEVO; AMF INŽENJERING S.P. ALEKSANDAR PERIČEVIĆ BANJA LUKA; ROBERT`S PLUS D.O.O. I RMK ENGINEERING D.O.O SARAJEVO.

Do krajnjeg roka naznačenog u obavještenju o nabavci, do 03.09.2025.godine do 09:30 sati na Protokol KCUS-a je dostavljena 1 (jedna) ponuda što je evidentirano i Zapisnikom o zaprimanju ponuda broj 10-33-4-29533 od 03.09.2025.godine, koji čini sastavni dio Izvještaja.

Red. broj ponude	Naziv ponuđača	Broj i datum ponude	KCUS broj, datum i vrijeme prispjeća ponude	Zbir jediničnih cijena bez PDV-a (KM)
1.	<b>EKO-GRADNJA d.o.o. Sarajevo</b>	01/09//25 od 03.09.2025.godine	10-11-3-29495 od 03.09.2025.godine u 08 h i 20 min.	<b>14.607,32</b>

Uzimajući u obzir činjenicu da je Ugovorni organ u sklopu tenderske dokumentacije jasno definisao da se radi o okvirnom sporazumu za period od 24 (dvadeset i četiri) mjeseca, za koji nije u mogućnosti predvidjeti i odrediti tačne količine/obim radova koji su mu potrebni za vrijeme trajanja okvirnog sporazuma, odnosno da će se okvirni sporazum zaključiti u skladu sa obezbjeđenim /osiguranim finansijskim sredstvima za ovaj predmet nabavke u iznosu od 400.000,00 KM bez PDV-a, prikazani iznos u gore navdenoj tabeli od 14.607,32 KM bez PDV-a predstavlja zbir jediničnih cijena iz ponude koji bi se koristio kao osnova za odabir najpovoljnijeg ponuđača u slučaju prijema dvije ili više ponuda kao i u postupku e-aukcije.

U skladu sa navedenim okvirni sporazum bi se zaključio na osnovu osiguranih/obezbjeđenih finasijskih sredstava za ovu predmetnu nabavku u iznosu od 400.000.000,00 KM bez PDV-a, a tačne količine/obim potrebnih radova ugovorni organ bi definisao prilikom potpisivanja pojedinačnih ugovora i izdavanja narudžbenica, obzirom da se radi o okvirnom sporazumu.

*[Handwritten signature]*

Komisija imenovana Odlukom Generalnog direktora KCUS-a broj 73-04-4-28174 od 21.08.2025.godine, je održala javno otvaranje ponuda dana 03.09.2025.godine u 10,00 sati, u sali za sastanke na lokaciji Objekat Tehničkog sektora (C9) Bolnička br.25. uz prisustvo članova komisije, sekretara komisije i referenta protokola pri čemu je konstatovala da je zaprimljena ponuda blagovremena, uredno obilježena i ovjerena od strane ponuđača, te je istu prilikom preuzimanja od strane referenta protokola obilježila rednim brojem 1. i u prisustvu referenta protokola izvršila otvaranje ponude, a budući da je ista uvezana i osigurana jemstvenikom radi zaštite od eventualnih zloupotreba, Komisija je izvršila potpisivanje i ovjeru prve i posljednje stranice ponude, kao i potpisivanje i ovjeru kovertu u kojoj je ponuda dostavljena.

Detaljnijom analizom dostavljene ponude, polazeći od zahtjeva koje je Ugovorni organ naveo u okviru tenderske dokumentacije, Komisija je utvrdila i u zapisniku o pregledu i ocjeni ponuda broj 10-33-4-29533-2 od 15.09.2025.godine konstatovala da **dostavljena ponuda u cjelosti ne zadovoljava** tenderske zahtjeve u pravnom, ekonomskom i tehničkom smislu, **odnosno da ista nije dostavljena u skladu sa zahtjevima tenderske dokumentacije.**

- Naime, ponuđač **EKO-GRADNJA d.o.o. Sarajevo**, je u svojoj ponudi na strani br. 25 dostavio certifikat Muhamed Podžić-a na engleskom jeziku bez prevoda na jedan od službenih jezika u Bosni i Hercegovini. Tenderskom dokumentacijom ugovorni organ je jasno definisao zahtjeve koje ponuđači moraju ispuniti **tačkom 2.5 Zahtjev po pitanju jezika** "Ponuda, svi dokumenti i pisana korespondencija u vezi sa ponudom između ponuđača i ugovornog organa mora biti na jednom od službenih jezika u Bosni i Hercegovini i napisana na latiničnom ili ćirilichnom pismu ili na nekom drugom jeziku koji se najčešće koristi u međunarodnoj trgovini, ali pod uslovom da je obavezno u ponudi dostavljen i zvanični prevod (ovjeren od strane ovlaštenog sudskog tumača za jezik sa kojeg je izvršen prevod), na jedan od službenih jezika u Bosni i Hercegovini." i **tačkom 3.1. Sadržaj ponude i način pripreme** "Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćirilichnom pismu. Pri pripremi ponude ponuđač se mora pridržavati zahtjeva i uslova iz tenderske dokumentacije.". U napomeni tačke **3.1. Sadržaj ponude i način pripreme** stoji **„Neprihlaganje bilo kojeg dokaza i/ili izjave diskvalifikuje ponuđača“.**

**Iz navedenog razloga ponuda ponuđača EKO-GRADNJA d.o.o. Sarajevo je ocjenjena kao nepravilna i ista se ne uzima u dalje razmatranje.**

Nakon detaljnog pregleda i ocjene ponude Komisija putem Izvještaja broj 10-33-4-29533-3 od 15.09.2025.godine, jednoglasno daje prijedlog Ugovornom organu da se nakon provedenog otvorenog postupka sa Obavještenjem o nabavci broj 893-1-3-327-3-757/25 od 31.07.2025.godine za izvođenje „**Podopolagačkih radova za potrebe KCUS-a**“ donese **Odluka o poništenju postupka nabavke**, odnosno postupak nabavke **poništi u skladu sa Članom 69. stav 2) tačka d) ZJN (Sl.Glasnik BiH 39/14 sa izmjenama i dopunama), jer „nijedna od primljenih ponuda nije prihvatljiva“.**

Prijedlog Komisije je prihvaćen i donijeta je odluka kao u dispozitivu.

**GENERALNI DIREKTOR KCUS-a**  
  
**Prim.doc.dr.sc.med. Alen Pilav**

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri, te u skladu sa izmjenama i dopunama Zakona o javnim nabavkama, („Službeni glasnik BiH“, br. 50/24), Žalitelj je obavezan dostaviti validan dokaz o plaćenju naknadi za pokretanje žalbenog postupka

Dostaviti:

- Ponuđačima
- Služba za javne nabavke
- a/a KCUS

